

MËSIMI 43

1. Si i dënoi Perëndia dhjetë fiset e Izraelit?

-Perëndia dërgoi asirianët për t'i pushtuar dhjetë fiset e Izraelit dhe t'i bënin ata skllëvërit e tyre.

2. Pasi Perëndia i dënoi dhjetë fiset e Izraelit, si i dënoi Ai dy fiset e Judës?

-Perëndia dërgoi babilonasit për t'i pushtuar dy fiset e Judës dhe për t'i bërë ata skllëvër të tyre.

3. Si e shkatërruan babilonasit qytetin e Jeruzalemit?

-Ata i vunë flakën tempullit.

-Dogjën gjithë Jeruzalemin.

-Prishën murin që rrethonte qytetin.

4. Çfarë bënë njerëzit e Judës kur u kthyen në Jeruzalem?

-Ata rindërtuan tempullin.

-Rindërtuan qytetin.

-Rindërtuan murin rrethues të qytetit të Jeruzalemit.

5. Njerëzit e Judës që u kthyen në Jeruzalem thirreshin me një emër të ri. Cili ishte emri i ri?

-Çifutë.

6. Kush ishin dy kombet që dërgoi Perëndia për të pushtuar Çifutët?

-Grekët dhe Romakët.

7. Kë adhuronin romakët?

-Romakët adhuronin shumë idhuj.

-Romakët gjithashtu adhuronin mbretin e tyre, Çezarin.

8. Kush ishin skribët?

-Skribët ishin drejtuesit çifutë që shkruanin fjalët e Perëndisë.

9. Kush ishin farisenjtë?

-Farisenjtë ishin drejtuesit çifutë që mësonin fjalët e Perëndisë.

10. Kush ishin Saducenjtë?

-Saducenjtë ishin drejtuesit çifutë që ishin të pasur dhe që ruanin tempullin.

11. Çfarë ishin sinagogat?

-Shtëpitë ku çifutët takoheshin për të lexuar dhe diskutuar shkrimet e Moisiut.

12. Në atë kohë, a kishte ndonjë çifut që besonte te Perëndia?

-Po. Pak.

-Perëndia dërgoi shumë profetë tek çifutët për t'u folur atyre.

-Një nga profetët e fundit që Perëndia dërgoi për t'u folur çifutëve ishte Malakia.

-Malakia u tha çifutëve që Perëndia nuk i kishte harruar

ata dhe se do të dërgonte Shpëtimtarin.

-Pasi Malakia vdiq, Perëndia nuk u foli çifutëve për 400 vjet.

-Ndërsa shumica e çifutëve nuk i besonin Perëndisë, pak nga ata po prisnin që Perëndia të dërgonte Shpëtimtarin.

-Dy nga çifutët që po prisnin që Perëndia të dërgonte Shpëtimtarin ishin Zakaria dhe gruaja e tij Elisabeta.

Le të lexojmë Luka 1:5-6

5-Në ditën e Herodit, mbretit të Judesë, ishte një prift me emër Zakaria, nga rendi i Abias; gruaja e tij ishte pasardhëse e Aaronit dhe quhej Elizabetë.

6-Që të dy ishin të drejtë në sytë e Perëndisë, duke ecur pa të metë në të gjitha urdhërimet dhe ligjet e Zotit.

-Zakaria ishte një prift dhe të dy, Zakaria dhe gruaja e tij, Elisabeta, besonin te Perëndia.

-Por Zakaria dhe gruaja e tij kishin një problem.

Le të lexojmë Luka 1:7

7-Por nuk kishin fëmijë, sepse Elizabeta ishte shterpe, dhe të dy ishin të kaluar në moshë.

-Cili ishte problemi i Zakarisë dhe i Elisabetës?

-Ata nuk kishin fëmijë.

-Pse nuk kishin fëmijë?

-Sepse Elisabeta ishte shterpë.

-Sepse Zakaria dhe Elisabeta ishin të dy të vjetër.

-Për shkak se Zakaria ishte prift, puna e tij ishte të shërbente në tempullin e Jeruzalemit.

Le të lexojmë Luka 1:8-10

8-Ndodhi që, kur Zakaria po ushtronte detyrën e tij priftërore para Perëndisë sipas rregullit të rendit të vet,

9-sipas zakonit të shërbesës priftërore, i ra shorti të hyjë në tempullin e Zotit për të djegur temjanin.

10-Ndërkaq mbarë turma e popullit rrinte jashtë e lutej, në orën e temjanit.

-Një ditë Zakaria hyri në Dhomën e Shenjtë të tempullit për të djegur temjanin për Perëndinë dhe diçka i ndodhi atij.

-Çfarë i ndodhi Zakarias kur ai ishte në tempull?

Le të lexojmë Luka 1:11-14

11-Atëherë një engjell i Zotit iu shfaq duke qëndruar në këmbë në të djathtën e altarit të temjanit.

12-Zakaria, kur e pa, u trondit dhe e zuri frika.

13-Por engjëlli i tha: “Mos u tremb, Zakaria, sepse lutja jote u plotësua dhe gruaja jote Elizabeta do të lindë një djalë, të cilit do t’ia vësh emrin Gjon.

14-Dhe ai do të jetë për ty shkak gëzimi dhe hareje, dhe shumë vetë do të gëzohen për lindjen e tij”.

-Një engjell i Perëndisë iu shfaq Zakarias.

-Çfarë i tha engjëlli Zakarias?

-Engjëlli i tha që Perëndia do t’i jepte Zakarias një djalë dhe emri i tij do të ishte Gjon.

-Pastaj çfarë tha engjëlli për djalin që Perëndia do t’i jepte Zakarias?

Le të lexojmë Luka 1:15-17

15-“Sepse ai do të jetë i madh përpara Zotit; nuk do të pijë as verë as pije dehëse dhe do të jetë i përplotë me Frymën e Shenjtë që në barkun e s’ëmës.

16-Dhe do t’i kthejë shumë prej bijve të Izraelit te Zoti, Perëndia i tyre.

17-Dhe do të shkojë përpara tij në frymë dhe pushtet të

Elias, për t'i kthyer zemrat e prindërve të fëmijët dhe rebelët në urtinë e të drejtëve, për t'ia bërë gati Zotit një popull të përgatitur mirë”.

-Engjëlli i tha Zakarias që djali i tij Gjoni do t'i përgatiste njerëzit për ardhjen e Shpëtimtarit.

-Si e quajti engjëlli Shpëtimtarin që do të vinte?
-Zot.

-Kush është Zoti.

-Perëndia.

-Engjëlli tha që Shpëtimtari që do të vinte do të ishte Zoti, Perëndia vet.

-Pas kësaj, gruaja e Zakarias Elisabeta mbeti shtatzënë.

Le të lexojmë Luka 1:24-25

24-Dhe, pas atyre ditëve Elizabeta, gruaja e tij, u ngjiz; dhe u fsheh pesë muaj dhe thoshte:

25-“Ja ç'më bëri Zoti, në ato ditë kur e ktheu vështrimin e tij mbi mua për të më hequr turpin përpara njerëzve”.

-Më vonë, Perëndia dërgoi një engjëll te një e virgjër që quhej Maria.

Le të lexojmë Luka 1:26-31

26-Në muajin e gjashtë, engjëlli Gabriel u dërgua nga

Perëndia në një qytet të Galilesë, që quhej Nazaret,

27-te një e virgjër, që ishte e fejuar me një njeri që quhej Jozef, nga shtëpia e Davidit; dhe emri i virgjërshës ishte Maria.

28-Dhe engjëlli hyri te ajo dhe tha: ``Tungjatjeta, o hirplote, Zoti është me ty; ti je e bekuar ndër gratë".

29-Por kur e pa atë, ajo mbeti e shqetësuar nga fjalët e tij, dhe pyeste vetveten çfarë kuptimi mund të kishte një përshëndetje e tillë.

30-Dhe engjëlli i tha: ``Mos ki frikë, Mari, sepse ke gjetur hir para Perëndisë.

31-Dhe ja, ti do të mbetesh shtatzënë dhe do të lindësh një djalë, dhe do t'ia vesh emrin Jezus".

-Çfarë i tha engjëlli Marisë?

-Engjëlli i tha Marisë që Perëndia e kishte zgjedhur atë që të bëhej nëna e Shpëtimtarit që do të vinte.

-A e kishte harruar Perëndia premtimin e Tij për dërgimin e Shpëtimtarit?

-Jo.

-Pse e mbante mend Perëndia premtimin e Tij për dërgimin e Shpëtimtarit?

-Sepse Perëndia i do të gjithë njerëzit.

-Sepse Perëndia do që të shpëtojë të gjithë njerëzit nga mëkati, vdekja dhe Satani.

-Pse zgjodhi Marinë Perëndia?

-A ishte Maria një fëmijë i Adamit dhe e Evës?

-Po.

-A kishte lindur në mëkat Maria si të gjithë njerëzit e tjerë?

-Po.

-Pse zgjodhi Marinë Perëndia?

-Sepse Maria besonte në Perëndinë.

-Sepse Maria ishte duke pritur që Perëndia të dërgonte Shpëtimtarin.

-Cili do të ishte emri i Birit të Marisë?

-Jezus.

-Çfarë kuptimi ka emri "Jezus"?

-Emri "Jezus" do të thotë Shpëtimtar ose Çlirues.

-Çfarë tjetër i tha engjëlli Marisë për birin e saj, Shpëtimtarin që do të vinte?

Le të lexojmë Luka 1:32a

32a-“Ai do të jetë i madh dhe do të quhet Biri i Shumë të Lartit”.

-Engjëlli tha që Biri i Marisë do të ishte Biri i Shumë të Lartit.

-Çfarë donte të thoshte engjëlli që Biri i Marisë do të ishte Biri i Shumë të Lartit?

-Biri i Marisë do të ishte Biri i Perëndisë.

-Si mund të ishte Biri i Marisë, Biri i Perëndisë?

-A do ta lindte Perëndia këtë bir?

-Jo.

-A e mban mend që Perëndia është Një, por përsëri Ai është tre Persona?

-Perëndia është Perëndia At, Perëndia Bir (Shpëtimtari) dhe Perëndia Frymë e Shenjtë.

-Perëndia At dhe Perëndia Frymë e Shenjtë po dërgonin Perëndinë Bir (Shpëtimtarin) në tokë si Biri i Perëndisë dhe si Bir i një njeriu.

-Biri i Marisë do ishte plotësisht Perëndi dhe plotësisht njeri.

-Çfarë tjetër i tha engjëlli Marisë për birin e saj, Shpëtimtarin që do të vinte?

Le të lexojmë Luka 1:32b-33

32b-Dhe Zoti Perëndi do t'i japë fronin e Davidit, atit të tij.

33-dhe do të mbretërojë mbi shtëpinë e Jakobit përjetë, dhe mbretëria e tij nuk do të ketë kurrë të sosur".

-Engjëlli tha që Biri i Marisë, Shpëtimtari që do të vinte, do të ishte pasardhës i Mbretit David.

-Pse Shpëtimtari duhet të lindte nga linja e Davidit?

-Sepse Perëndia i kishte premtuar Davidit që Shpëtimtari do të ishte një nga pasardhësit e tij.

-Për shkak se Shpëtimtari i ardhshëm do të ishte pasardhës i mbretit David, Perëndia do ta bënte Atë Mbret mbi Izraelin dhe Mbret përgjithnjë.

-Çfarë e pyeti Maria engjëllin?

Le të lexojmë Luka 1:34

34-Dhe Maria i tha engjëllit: ``Si do të ndodhë kjo, përderisa unë nuk njoh burrë?''.

-Cila ishte pyetja e Marisë?

-Maria pyeti si mund të ishte në gjendje ajo të lindte një bir kur ajo ishte akoma e virgjër.

-Si iu përgjigj engjëlli?

Le të lexojmë Luka 1:35

35-Dhe engjëlli duke u përgjigjur, i tha: “Fryma e Shenjtë do të vijë mbi ty dhe pushteti i Shumë të Lartit do të të mbulojë me hijen e vet; prandaj i shenjtë që do të lindë prej teje do të quhet Bir i Perëndisë”.

-Si u përgjigj engjëlli?

-Engjëlli tha që Perëndia Frymë e Shenjtë do të bënte një mrekulli dhe Maria do të ngelej shtatzënë.

-Biri i Marisë do të lindte pa farën e një babai apo nëne njerëzore.

-Pse biri i Marisë do të lindte pa farën e një babai apo nëne njerëzore?

-Në mënyrë që Ai të lindte pa mëkatën e Adamit dhe të Evës.

-Në mënyrë që Ai të lindte i përsosur pa mëkat.

-Për shkak se Perëndia Bir do të lindte si njeri por pa mëkat, Ai nuk do e kishte farën e një babai apo nëne njerëzore.

-Biri i Marisë do të kishte vetëm farën e Perëndisë.

-Pastaj çfarë i tha engjëlli Marisë?

Le të lexojmë Luka 1:36-37

36-“Dhe ja, Elizabeta, e afërmja jote, edhe ajo, në pleqërinë e saj, mbeti shtatzënë me një djalë; dhe ky është muaji i gjashtë për të, që e quanin shterpë,

37-sepse me Perëndinë asgjë s'është e pamundshme”.

-Ja se çfarë tha engjëlli:

-Ashtu siç qe e pamundur për Elisabetën, një grua e vjetër, një grua shterpë që të lindte një fëmijë, por që Perëndia i kishte dhënë asaj një djalë.

-Kështu mund të dukej e pamundur për Marinë, një e virgjër të lindë një fëmijë, por Perëndia ishte Ai që do t'ia jepte asaj këtë bir, gjithashtu.

-Perëndia mund të bëjë çdo gjë.

-Asgjë nuk është e pamundur me Perëndinë.

-Si u përgjigj Maria?

Le të lexojmë Luka 1:38

38-Atëherë Maria tha: ``Ja shërbëtorja e Zotit; le të më ndodhë sipas fjalës sate". Dhe engjëlli u largua prej saj.

-Për shkak se Maria besonte në Perëndinë, Perëndia zgjodhi atë që të ishte nëna e Jezusit, Shpëtimtarit që do të vinte.

-A ishte Jezusi Shpëtimtari i premtuar?

-Po.

-Jezusi do të ishte Shpëtimtari që Perëndia ia premtoi së pari Adamit dhe Evës në Kopshtin e Edenit.

-Jezusi do të ishte Shpëtimtari që Perëndia ua kishte premtuar Abrahamit, Isakut, Jakobit dhe të gjithë njerëzve.